

咽

喉

论



余性嗜古書凡一編半簡目所未覩者每自鈔錄藏之
篋笥夫以不費之工貯以備一時之需亦竹頭木屑之
意也至於醫方等書尤爲汲汲同邑南軒遂君業精岐
黃采集良方癸卯夏以所藏咽喉論一編出而示余義
理精切詳畧得當遂欣然錄之已閱二載餘矣然未嘗
取以試人平陵二尹瑞峯金公與余訂晨夕交乙巳春
莫聞公忽患喉閉猝不能支因憶及前所錄方急取試
之覺喉中咯咯有聲漸能下滴水於是按方授劑不兩

日霍然初何意神效之若是耶噫天壤間病者不少

知

四春溫秋肅時氣流行稍不得

寒一

然而寒感之而不能禦祛之而

化病尙付惟咽喉一疾刻不可緩藥石

灸之稍遲而性命卽懸之呼吸可不懼哉每見窮鄉
華戶昏夜病發延治不及舉室茫然者有之不得已而
委之於命良可哀已海內咽喉方相傳甚夥而求其立
有奇驗者頗少故余之秘諸篋竊亦有鑒於斯耳今
公以是方驗余不忍終秘不宜因付攻木氏俾傳其方
即使窮鄉華戶之人亦咸得按方而治之夫何慮藥餌
之誤投哉緣爲序

乾隆乙巳春三月上澣濟南汪鐸題於靖獻堂之西舍

目次

咽喉論

看法

因症立名因名立方十四段

論死症訣

煉玉丹法

青藥方

黃藥方

紅藥方

紫藥方



內外方治總旨

吹藥法

分症用藥

合藥法

一切喉閉蜜調藥

去咽喉腫痛風痰梅蘇方

製燈草灰法



中國醫藥大學圖書館版權所有

咽喉論

濟南遼南軒輯

咽者嚥也咽所以嚥物喉者候也喉所以候氣咽則接
三皖以通胃喉有九節通五臟以繫肺雖曰並行各有
司主以別其戶也蓋咽喉之症皆由肺胃積熱甚多痰
涎壅盛不已致清氣不得上升濁氣不得下降于是痰
熱之症見焉吾見壅盛鬱於喉之兩旁近外作脹以其
形似飛蛾其症有單有雙每發于喉旁紅腫有膿頭起
尖似乳一邊有者謂之單蛾兩邊有者謂之雙蛾或曰
在左者肺病在右者胃病總因食熱毒而得也肺病者
當用黃芩山梔貝母元參連翹花粉等劑胃病者當用

竹葉石膏三黃甘草桔梗等劑此分治之大法也設或
差小者名喉閉痰盛者名喉痺二者之發咽喉腫閉水
穀難入痰涎壅盛危似風燭先以醋漱口內去其風痰
一二碗然後用吹藥化盡老痰加礪砂冰片元明粉之
類此開閉之法也設或結于舌下舌下復生一小舌名
曰子舌重舌結于舌下兩旁腫者謂之木舌脹舌熱結
于咽喉腫于喉外且痒且麻又脹又大名曰纏喉風治
宜防風通聖散或大承氣湯及雪裡青草藥皆可亦有
暴發暴死者名曰走馬喉痺其名雖殊火則一也夫少
陰君火心主之脈少陽相火三焦之脈此二經之脈併

絡于喉故經云一陰一陽發爲喉痺者此也由于氣熱
內盛則爲結結則腫脹腫脹既盛咽喉閉塞不通者死
兆也其症咽溢乾痛喉嚨作腫飯不可嚥物不可吞水
穀難入入則反從鼻孔出故曰喉閉皆少陰君火之所
爲也少陽相火之所使也經曰甚者從之又曰龍火者
以火逐之然古人之治喉症多用甘桔湯謂范使緩其
氣而火可治也或用甘草薄荷白礬爲末井花水調漱
先治其痰積始可用礪砂冰片元明粉甘草白礬爲細
末吹入喉中降火清痰亦妙按咽喉之症未有不由肺
胃二經爲病也蓋肺主氣陰陽所自流行此爲生生不

息之神機動作之處物我莫不由之而寄生也惟嗜欲
無節勞苦馳走或暴怒無舒鬱結生痰致水不升火不
降水愈涸而火愈熾金被火爍則咽嗑乾燥火熱壅盛
則腫脹生瘍近于上者謂之飛蛾近于下者謂之喉閉
喉痺近于舌本者謂之木舌子舌近于喉嗑者謂之喉
風纏喉風八者名雖不同無非熱也

兩引經訓明明有當用熱藥者是必詳參脈証景岳
全書云喉症雖多由火而復有非火証者蓋火有真
假實火可清真火証也虛火不宜清火証者蓋火有真
有陰盛格陽者即真陰症又曰真陰虧損者腎中之
虛火證也非壯水不可六味丸主之甚者陰八味又
有火虛于下而格陽于上此無根之火即腎中之真
寒証也非溫補命門不可鎮陰煎為上陽八味次之
或用蜜附子含嚥亦妙○鎮陰煎熟地牛膝炙草

澤瀉肉桂熟附

此書用藥專主寒涼因參摘景岳書數行藉以開人見解總之實火必有火脈火証虛火必有寒脈寒症寒脈尤于沉緩弱小火脈則滑而數浮中沉皆有糖小便清口不渴畏寒火症反是

看法

凡喉內有紅絲紅光或水腫紫色或有塊者皆可醫治單腫脹為喉癰有塊壘頭尖白色者為乳蛾兩邊有者為雙蛾面紅腫脹唇腫如臥蠶耳聾耳痛頭痛手臂肩膊痛可喜若心痛面白無光頭重如墜石不知痛痒者不治但除緩症纏喉風餘皆可速愈喉癰之類膿足要

出亦要量其人元氣虛弱者數日必出壯實者五六日
必出須知出膿口中定然熱臭大約三日見形四五日
熱退勢定早醫可散不至出膿先寒熱後見形其症雖
輕必重先見形後寒熱雖重必輕總之凶症無有不從
寒熱而生或寒熱一日見形者或寒熱四五日見形者
大約寒熱多者其症必重此要訣也治之愈緩後來無
患一醫卽好恐不能安寒熱幾日見形者醫幾日好一
發寒熱夜間驟起者必凶要知喉症日輕夜重不必驚
惶凡看喉癰喉嚨上下形如細癰紅腫疼痛急用青藥
吹五六管黃藥三四管

出膿腐爛者吹用紫藥斷不宜青黃二方放出熱痰

隨用鵝翎攪去稠痰卽時喉中寬快病勢稍減再用醋和溫湯調勻令病人含湯漱口須要靠着肩背仰首漱之吐出再漱不可間斷漱後吹藥亦不宜間斷若醋湯令再換熱者後用煎劑

桔梗

甘草

荊芥

防風

薄荷

花粉

銀花

川貝

連翹

黑梔

加葱頭三個水煎服

如大便不通第二劑用降火之法下之以泄其火

大黃

石膏

黃芩

元參

生地

連翹

黑梔

銀花

花粉

甘草

桔梗

加燈心二十寸水煎服

此書咽喉病專指爲熱毒故立方概用寒涼竊以由
於熱者十之八九主於寒者亦十之一二世間無
病不有寒熱二症無一症不當分
寒熱施治生死反掌未可偏執

因症立名因名立方四段

如輕症只用絲綿紫箸頭上攪去熱痰可也如治雙蛾
喉癰左右兩傍紅腫急用黃藥吹入八九管後單用青
藥多加冰片吹之後將鵝翎攪去痰醋湯咯

如鎖喉風喉嚨無塊壘單有紫紅絲纏繞氣不能通故
名鎖喉風急用青藥多加冰片燈草灰吹之次將絲綿
攪去熱痰再用醋湯漱數次不必多漱煎藥照前



醫通又云喉旁兩塊大如雞卵為鎖喉風用上牛膝搗汁和米醋蘸攪喉中

如遇纏喉風頭項如斗大色白無光澤喉內痛不可忍並無紅紫形色急用青藥吹四五管黃藥六七管再用鵝翎攪喉內如痰難出將桐油脚以鵝翎蘸攪之如痰再不出用元明粉泡湯漱之漱時仰着頭其痰即出刻刻要漱刻刻要吹再用煎藥清痰降火

防風

荊芥

川芎

白芷

花粉

薄荷

連翹

黃芩

黑梔

甘草

桔梗

色白便是陰毒若再見脈沉遲細弱大便不堅小便不熱似不宜用元明粉之寒涼

咽喉論

五



如此醫治痰終不出雖盧醫扁鵲莫救也倘命不絕傳
變于肩背及兩手與耳痛可生之兆也或二七或三七
可保無虞矣

第一治纏喉風其症項如頭大色白無光澤或赤而兼
暗色喉內痛不可忍並無形狀者宜用黃藥七分青藥
三分吹九管爲一次瀘去稠痰再用鵝翎攪去老痰倘
痰難出以鵝翎蘸桐油攪之如再不出用元明粉泡湯
咯之用上數法痰不出者必死矣

曾治一人先一日寒熱大作次日驟發喉風飲食少
進少時湯水難入頭如斧劈用黃藥八分青藥二分

徐徐吹之痰涎卽出漸漸頭大如斗寒熱微作服升陽散火之劑而愈

鎖喉風形如纏喉而稍輕喉間微有紫紅色纏繞氣不能通故名鎖喉急用青藥兼黃藥多加燈心灰吹之其勢稍退方可用化痰祛風之劑其症耳聾頭痛微發寒熱者輕胸脇痛或心痛寒熱大作無休歇者難治

腳根喉氣風先寒熱四五度腳根忽發紅腫疼痛次日腳根不紅腫忽喉間疼痛難忍紅腫如紫糖色急服化痰消毒之劑以青藥爲主多加冰片燈心灰兼用黃藥吹之其腫自消若毒傳于心卽發心痛者不治喉癰形

如秋海棠葉背紅絲纏喉間痰在喉中咯不出咽不下
飲食可入寒熱往來微渴兩寸脈弦而數小便微赤咳
嗽微喘宜用青藥少紫藥多終日徐徐吹嚥再用膏手
藥頻頻咽下內服化痰清熱滋陰之劑切不用大寒之
藥再服滋陰地黃丸可爲全妥不醫亦不甚急若發大
寒大熱聲啞者不治此症多發于不足之人最難治宜
戒腥羶酒麪薑椒茄子一切辛熱搏炙之物絕慾爲主
若不守禁戒服藥無益喉癰生在喉內形如癰癤在喉
上者爲上關喉癰在喉下者爲下關喉癰在於喉中間
者爲騎關喉癰若先寒熱而後見形者重若見形而後